

中國醫學大成第八集

外科類 丙
喉科叢刊之

喉舌備要 秘旨 全

上海大東書局印行

喉舌備要秘旨目錄

喉部……………一

論喉症……………一

喉症總論……………三

辨喉症經絡治法……………六

喉科辨症……………八

雙松蘘症……………九

單松蘘症……………九

雙燕子症……………九

單燕子症……………一〇

雙鵝症……………一〇

單鵝症……………一〇

雙纏症……………一一

單纏症……………一一

懸蜚症……………一一

合架症……………一二

圻塔症……………一二

瘰癧症……………一三

乘枕症……………一三

乘顫症	一三
斗底症	一四
甥胫症	一四
聯珠症	一四
破頭症	一五
掩頭症	一五
大頭症	一五
穿額症	一六
魚鱗症	一六
玉笋症	一六
蓮花症	一六
梅花症	一七
黑疔症	一七
搶食症	一七
木舌症	一八
重舌症	一八
癰舌症	一八
回舌症	一九
舌癱症	一九
驢嘴症	一九
魚口症	一九
喉癱症	二〇

喉疔症	二〇
喉箭症	二〇
喉痺症	二一
剪喉症	二一
肥豬症	二一
鵝口症	二一
胎毒症	二二
鎖子症	二二
論症治法	二三
辨陽喉症訣	二三
辨陰喉症訣	二四

看喉中辨臟色訣	二四
辨毒攻臟訣	二五
認死症歌訣	二五
治咽喉辨論	二六
論喉症治法 <small>廿一條</small>	二七
論分經治喉症藥性 <small>四條</small>	三四
治喉用藥變化歌訣	三五
抽薪飲	三六
徙薪飲	三六
滋陰八味湯	三七
一陰煎	三七

加減一陰煎	三〇
二陰煎	三〇
鎖陰煎	三〇
四陰煎	三〇
理陰煎	三〇
大補元煎	三九
普濟消毒散	四〇
十二味玄翹飲	四〇
治喉內無論兩傍上下	
生白膜即白喉方	四一
治白喉潮熱漸除白膜	

漸減方	四二
凡患單雙鵝必有潮熱	
當用此退熱涼血消腫	
解毒方	四七
治楊梅瘡冲喉方	四七
治楊梅瘡冲喉藥丸方	四八
治楊梅瘡重症方	四九
治小兒陰虛喉有潮熱	
兼有牙血出方	四九
治三十六種喉散奇方	五〇
治喉症奇驗方	五〇

治陽喉散方	五〇
治火症痘疔牙疔喉間	
潰爛金不換散	五一
治痰痺方	五二
應驗鵝喉方	五二
青梅丸	五二
治陰白喉症散	五三
治鵝喉口內含藥方	五三
洗口散	五四
三黃散	五四
洪寶丹	五四

陽毒散	五五
治陽喉毒紅腫方	五五
沖和散	五六
黃龍散	五六
治陰毒青腫皮膚不燒	
熱方	五六
兩宜散	五七
製西瓜硝	五八
鎖喉症吹之立效方	五九
經驗鵝喉奇方	五九
鵝喉急救方	六〇

治各種喉症效方	六〇
治白喉症奇方	六〇
口部	六〇
治口舌生瘡	六一
又方	六一
又方	六一
口脣生瘡日久不愈	六一
舌無故出血方	六一
舌長數寸方	六一
舌腫硬大閉咽喉	六一
治羊鬚瘡奇效方	六一
又方	六二
加味甘桔湯	六二
紫袍散	六三
甘桔湯	六三
玉龍散	六三
金鑰匙	六四
頰車開不能合	六四
下頰落	六四
舌蕈	六五
上疳瘡口中爛方	六五
上疳方	六五

消癰癰丸奇效方……………六六

又方……………六六

舌下腫痛……………六六

舌下痰包……………六六

小舌生紅泡子與喉症

不同……………六七

補斷舌法……………六七

又方……………六七

又方……………六七

治舌下腫痛欲死……………六八

又方……………六八

重舌哦喉……………六八

喉風舌大如脰……………六九

舌腫四方……………六九

喉疔……………六九

舌忽縮入……………七〇

舌硬生衣……………七〇

舌下重生小舌……………七〇

又方……………七〇

木舌……………七一

又方……………七一

又方……………七一

舌忽腫大腫硬	七一
舌上生菌	七一
舌腫破爛	七二
重舌脹腫	七二
牙部	七三
牙癰	七三
牙疔	七三
牙疳	七三
牙根流血方	七三
又方	七三
治牙痛不可忍方	七四

治牙痛方	七四
玉帶膏	七四
治各種牙痛妙方	七四
金星追涎丹	七四
苦瓜霜	七五
牙齒疼痛方	七五
治牙痛奇妙極效方	七五
治牙出血方	七六
治牙出血頭痛潮熱方	七六
蟲牙作痛方	七七
治蟲牙方	七七

治齒長數寸·····	七七
治牙長分餘·····	七七
治走馬疳·····	七七
治牙疳妙方·····	七八
擦牙關兼去口中氣味·····	七八
取齒妙方·····	七九
脫牙·····	七九
牙痛奇方·····	七九
又方·····	七九
治各種牙痛經驗神方·····	七九
少商穴圖式·····	八〇

刺少商穴法·····	八一
附骨髀符咒·····	八一
附戒烟良方·····	八二

喉舌備要秘旨

喉部

鄞縣 曹赤電炳章圈校

論喉症

喉痺一症。在古方書雖有十八證之辨。古人悉指爲相火。然此症雖多由火。而復有非火證。不可不詳察也。蓋火有真假。凡實火可清者。卽真火證也。虛火不宜清者。卽水虧證也。且復有陰盛格陽者。卽真陽證也。故內經曰。太陽在泉。寒淫所勝。民病噤病頰腫。其義卽此。何後人之弗究也。

一、喉痺所屬諸經。凡少陽、少陰、陽明、厥陰。皆有此症。具列於後。但其中虛實。各有不同。蓋少陽、厥陰爲木火之臟。固多熱症。陽明爲水穀之海。胃氣直透咽喉。故

又言陽明之火爲最盛。欲辨此者。但察其情志鬱怒而起者。多屬少陽。厥陰。因口腹過嗜肥甘辛熱而起者。多屬陽明。凡患此者。多宜以實火論治。至若少陰之疾。則非此之比。蓋少陰之脈始於橫骨。終於會厭。繫於舌本。凡陰火遂衝於上。多爲喉痺。但少陰之火有虛有實。不得類從火斷。若果因實火。自有火症火脈現出。亦易知也。若因酒色過度。以致真水虧損者。此腎中之虛火證也。非壯水不可。又有火虛於下。而格陽於上。此無根之火。卽腎中之真寒證也。非溫補命門不可。凡此諸經不同。而虛實大異。皆後人所罕知。獨褚氏遺之。有上病察下之說。誠見道之言也。

一、喉痺症總治之火。則名目雖多。似有不必盡辨者。然亦有不可不辨者。卽如單雙乳鵝及單雙纏喉症之有不同也。蓋腫於咽之兩旁者爲雙鵝。腫於一邊者爲單鵝。此其形必圓突如珠。乃癰癰之類。結於喉間。故多至出毒。或宜刺出血

而愈者。若纏喉風。則滿喉紅腫。多不成膿。亦不必出血。但使火降。其腫自消。此其所以有異。而治之亦當有法也。

喉症總論

夫喉症者。人之一身總關之際也。內通五臟六腑。外傳五音五色。乃氣息出入之門。聲音傳送之所。飲食往來必經之路。此乃真真總關之際也。諺云。一指痛。滿身疾。何況乎咽喉。蓋喉症所發原由。多因人之本性發來。或好食煎炒。或恣味辛酸。或淫慾無節。或喜怒不常。或勞神過度。或耽於色。或過飲酒。好勇鬪狠。皆能致疾。既未能謹節於平日。又不能急治於患後。日積月累。其病根蒂深固。則牢不可拔矣。若夫好食酸。則傷肝。好食辣。則傷肺。好食甜。則傷脾。好食苦。則傷心。好食鹹。則傷腎。好食冷。則內熱。好食熱。則內寒。此因飲食傷臟。而發喉症者也。夫喉症發於

內。左屬肝。右屬肺。舌屬心。脣屬脾。齒屬腎。如肝病則聲悲。肺病則聲速。心病則聲雄。脾病則聲緩。腎病則聲沉。此屬於臟。大腸病也。蓋大腸病則聲長。小腸病則聲短。胃病則聲連。膽病則聲清。膀胱病則聲微。三焦無病。乃寄之名。此屬於腑。五臟六腑發於喉。皆由內而發外者也。然發形於外者。有虛有實之分。有緊有緩之說。有陰有陽之症。有紅有腫之形。有有痰者。有無痰者。有熱者。有寒者。有紅黃青白黑點者。有氣急咳嗽者。有聲啞音嘶者。有痰響如雷者。有氣響似鋸者。有牙關緊急者。有氣出不收者。有鼻內出血不止者。有耳內出膿血者。有口舌生瘡者。有斑似胎癬而藁若蝦皮者。有一二或數根肉笋長短生來而針刺不忍痛者。有滿喉並無紅黃白青黑點。而痛不能進膳食者。舌有硬亦有軟者。有內紅腫而外不紅腫者。有外腫而內不腫者。有口脣粗厚而齒脚肉包牙齒者。有舌下生舌而正舌捲入內向者。有鼻生瘰肉而喉內上面生肉核者。有滿口形似熟瘦猪肉而乾焦

者。有喉痛而鼻出紅黃血水者。有舌硬如石三兩載而失舌者。有面暗神慘欲言而不能言者。有舌下發子弟瘡而升提毒於喉中生白膜者。有發痰火積久燒咽喉。而鏡上生紅絲線並無白膜者。有左右扯開而失肺中子者。有口眼喎斜怒目直視者。有舌出齒外而不能收入者。有舌藏內關而不能伸出外節者。有右傳左者。其病重。有左傳右者。其病輕。有牙床發痛而久出膿血者。有齒角生瘡而至內穿者。有肺中子長大而滿口鮮紅色者。有開口臭而呼吸氣臭者。有內外結核出膿血而不腥臭者。有朝發夕愈而腹肚作痛者。有舌粗硬寸餘滿口不能通活者。有大便閉結。而小便澀數者。有遍身軟痛。手不能提。足不能步者。有久患癩癰積熱而伏於咽喉者。有內傷吐血陰火伏於喉中作痛者。有風熱驟傷而忽然食惡物以發者。有婦女經水不調下閉忽送上升而致喉內作痛者。有犯夢遺日久。水衰火動而致口內作痛者。有雙松蘂、單松蘂、雙燕子、單燕子、雙鵝喉、單鵝喉、雙纏

單纏、懸琪、合架、圻音塔、瘰癧、乘枕、乘癰、斗底、蜈蚣、聯珠、破頭、掩頭、大頭、穿額、魚鱗、玉笋、蓮花、梅花、黑疔、搶食、木舌、重舌、痲舌、回舌、舌癰、驢嘴、魚口、喉癰、喉疔、喉箭、喉痺、剪喉、牙癰、牙疔、牙疳、肥猪、鵝口、胎毒、鎖子等症。此上症雖多端。治法惟可升提驅風。發散解毒清涼。切不可攻下通利。及補托熱燥收斂之藥。經云。毒在咽喉。猶有救。毒歸臟腑。病難全。諸症皆從臟腑發。醫從臟腑治其源。內外經絡能兼治。不是仙來也是仙。

辨喉症經絡治法

夫咽喉者。乃人飲食呼吸之門。聲音吐納之路。此關一身。害人迅速。醫者不明。誤人更不可勝計。蓋口者脾之竅。口脣焦乾爲脾熱。焦而紅者吉。焦而黑者凶。若口脣紅腫。極熱也。口脣青白。極冷也。口爛舌乾。心熱也。口咽乾焦。欲飲水者。陽明之

熱也。口噤難言者。風熱閉竅也。口涎流而脣色紫者。胃氣虛也。肚痛口吐涎水者。蟲積也。如脣嘴反青。薰黑。直如魚口。氣急不收。口脣顫動。搖頭不止。皆是不治之症。然口爲脾竅。舌爲心苗。口養精液。須通五氣。五氣者。五臟之氣也。然臟熱則口苦。臟寒則口鹹。虛則口淡。冷則口甜。宿食則口酸。虛熱煩燥則口澀。腥臭之氣。蘊結於胸臆之中。發冲於外。則口臭氣滯。加之風熱勞鬱之毒。則口舌生瘡。法當清胃瀉火爲主。假如喉內左邊先起。或紅或白。或黃或黑。或有膜無膜。有核無核。此皆屬肝經發來之毒。風熱當用甘桔湯加柴胡。白芍爲君。實熱加生地。丹皮。膽草爲佐。痰涎壅盛加連翹。芩子。花粉。有膜則用蟬退。有核用獨活。丹皮。初起有潮熱。則用防風。荆芥。薄荷。虛熱用元參爲君。倘或右邊先起。其色或紅或黃。或白或黑。有膜無膜。或有核無核。皆是屬肺經發來之風熱毒。當用黃芩。桑皮爲君。實熱則加生地。丹皮。羚羊。痰涎壅盛有膜。及有潮熱虛熱。用藥同上。如在膈中上下舌根

左右起者。其色或紅黃青白黑不等。此屬心經發來之風熱毒。當用川連、梔子。舌硬用羚羊、犀角。痰涎壅盛有膜有潮熱。用藥俱同上。左齒上大齒屬膽。加膽草。左下大齒屬肝。加柴胡、白芍。右上大齒屬大腸。加枳殼、杏仁。右下大齒屬肺。加黃芩、桑皮。當中上四齒屬心。加黃連、犀角。當中下四齒屬腎。加黃柏、知母。上兩旁屬胃。加川芎、白芷。下兩旁屬脾。加蒼朮、白朮。若其滿喉發來色黃者。此乃脾家發來濕毒。亦當燥脾驅風。除濕解毒。其有滿喉黑色者。此屬腎經發來之毒。其毒久積。元氣損傷。津液敗壞。精神傾散。勞神過度所致。是乃險症也。其有喉內二、三肉笋。滿口乾渴失音舌脫等症。皆係毒氣攻臟所致。此等症候。千人犯着千人死。靈丹百救無一生。不可不知之。

喉科辨症

雙松蘂症

此症發於喉鏡內左右俱有形如松蘂樣。先起三五白點黃點。後湊成一個。未開
花者可治。已開花者切勿輕醫。治當平肝清肺。驅風解毒。宜用生地、六味、加防風、
荊芥、薄荷、蟬退等藥。內吹以玉龍散。

單松蘂症

此症喉鏡內起一片。或左或右。形如松蘂樣。初起三五黃點白點。後湊成一個。未
開花者可治。已開花者難醫。左起治宜平肝。當用柴胡、白芍。右起治宜清肺。當用
黃芩、桑皮。仍加入升提驅風發散解毒去膜之藥。內吹玉龍散。

雙燕子症

此症發在喉中上顎。左右俱有。滿口紅腫。形如燕子伏樑。頭向上。尾向下。其尾開
有兩片。其膜色白黃紅。頭向出者可治。向入者難痊。若色黑者不治。治法用甘桔

湯。加平肝清肺去膜解毒消風升提之藥。內則用玉龍散吹之。

單燕子症

此症發在喉內。或左或右。單起一片。形似燕子。仍有白膜黃膜起。治法左平肝。右清肺。餘與雙燕子同。頭向出尾向入者易治。頭向入尾向出者難醫。急宜用升提等藥治之。緩則不救。

雙鵝症

此症生於膈中。左右俱有一片。其形與膈中三花相類。均結有核。甚痛。飲食皆不能下。是屬陽症。宜針刺患處出血。並刺夾車、少商兩穴。惟有尖起者可用針刺。不起尖者弗刺。治法宜用散血活血等藥。內則用玉龍散吹之。如有潮熱者。用甘桔湯加去風藥治之。

單鵝症

此症與雙鵝相同。惟或左或右。單起一片。飲食不能下咽。治法左起平肝。右起清肺。並宜用針刺出毒血。但患處起尖者可刺。不起尖者勿刺。餘用藥同雙鵝。

雙纏症

此症發時喉內四圍紅腫。在膈中左右。有白膜黃膜兩片。屈曲相纏。纏上者輕。纏下者重。若至日久。則難治矣。膜之邊弦上有紅絲絡者可治。若透底黑者定死。此是肝肺發來之陰毒。治法不可大清。宜用甘桔湯治之。內則吹以玉龍散。

單纏症

此症喉內四圍紅腫。或於膈中左。或於膈中右。單起一片。亦有白膜黃膜。屈曲相纏。纏上者輕。纏下者重。如脫後紅色者生。黑熟色者死。是爲陰症。不可大清。治法宜用甘桔湯加升麻、蟬退。惟左起宜加柴胡、白芍。右起宜加黃芩、桑皮。

懸蜚症

此症發在肺中之前後左右。形似蝴蝶。似一書云懸懸浮起。其色帶黑。是乃心腎發來之毒。治當用清心解毒。升提涼血發散之藥。不可針刺。亦有用生地、六味。或八珍湯治之者。

合架症

此症多因大笑大喊所致。發在癰機左右。先起滿口腫痛。飲食不下。三五日後合成衣架樣子。其膜色黃白不等。此乃肝肺所發之毒。一二日內可治。久則難治。治法宜先在合車、合谷、少商穴刺出毒血少許。再以清肺平肝發散解毒去膜之藥治之。內吹以玉龍散。

圻塔症

此症發在肺中內側圻音邊。或左或右不定。然俱有白膜黃膜。若不細心看之不能見。須將面掇起開關側目視之。色黃白者易治。熟黑者難醫。發左則平肝。發右

則清肺。治宜去膜升提驅風解毒之藥治之。內則以玉龍散吹之。

癰癤症

此症係頸上處處有核。移毒於喉中左右內外。其症從經絡發來。屬火屬痰。治法當化痰降火驅風解毒之藥。外用沖和散敷之。如膜白似豬油。黑如墨染。皆是不治之症。

乘枕症

此症生於癰機前正對鼻孔。緩緩發來。形爲橫枕。其色黃白。關閉涎盛痰多。針刺無血出。不痛者乃屬內傷肺竅。宜用甘桔湯加減治之。如鼻孔有血出及鼻塞頭痛目暈。便是不治之症。

乘顎症

此症發於上顎。紅腫者多。起白膜黃膜者少。有核用針。無核不刺。驟發者易治。緩

發者難愈。針刺痛有血者可治。刺而不痛無血者不治。此是心經發來即傷內臟之症。治法用連翹消毒飲。加秦艽、防風、荆芥。

斗底症

此症發在喉鏡鍋內。即膈中初發時有寒熱。鏡中有三五七白黑點子。二三日白膜浮起。對中胸前有毒氣二路橫過。或直下。是乃陰症。由心發來者。宜先用針刺其經絡。去其毒血。後治以升提解毒清心去膜消風之藥。切不可攻下通利。或用地黃散治之。內則吹以玉龍散。若痰不止。氣響聲嘶聲啞者。十不過救一二耳。

蜎脰症

此症發於舌根下兩邊。形如鈴子。不摻開不見。摻開舌根。其形乃見。不可針刺。如誤刺破。即不可治。治法宜用甘桔湯。加平肝清肺消風解毒活血化痰之藥。

聯珠症

此症生於喉中。或左或右。單起一片。有上下二個。中心有紅絲。透上下兩珠。結成膿血。穿後必連作一個。仍有膿血。出之可愈。是屬陽症。治宜左屬平肝。右宜清肺。當用甘桔湯。加消風升提排膿解毒之藥。

破頭症

此症發在喉鏡內。核本一個。却破兩片。其色黑熟。口臭痰響聲啞。是乃不治之症。

掩頭症

此症發在喉中。癰機上左右。先結核。結核後高尖處有白膜黃膜掩頭。不可針刺。此是肝肺發來之風熱毒。治當清肺去膜之藥。宜用甘桔湯加羌活。防風。服之最效。

大頭症

此症因天時瘟疫瘴氣所發。必大寒大熱。口噤面黑。四肢軟弱。手不能提。足不能

舉頭大如斗。氣大而緊急。是乃三五日死之症。切易輕易醫治。

穿額症

此症生於膈中前內向裏面。有二三五黑點。大似烏豆樣。此是腎經傳來。不治之症。切勿妄治。

魚鱗症

此症生於喉掩間。形如松實樣。若魚鱗向下。聲啞色黑者不治。

玉笋症

此症發在牙關牙床肉上。形如三五肉笋。徐徐發來。針刺不痛。此是臟腑內傷。係不治之症。

蓮花症

此症起在舌上。生五七枝不定。或具紅黃白等色。形如蓮花相似。不可針刺。凡患

是症。潮熱必甚。治用犀角地黃湯。加梔子、連翹、葶子、花粉。

梅花症

此症發來滿喉俱有。紅黃白點形似梅花。痰涎壅甚。舌硬面紅。潮熱作渴。是乃大熱之症。治當清涼消風解毒去膜之藥。內用玉龍散吹之。

黑疔症

此症發在喉中左右。舌俱黑色。此乃腎經傳來。不治之症。患是症者。必大寒大熱。蓋傷色過度。腎絕故也。

搶食症

此症或發在喉中。或發在舌上。俱生紅泡。患者必面色紫黑。驟傷風熱。喉內氣閉。不能吞物。治宜先用針刺出血。後以生地黃湯加解毒湯之藥治之。是乃誤食惡物之症。久則難治也。

木舌症

此症由心經大熱發來。其舌紅腫強硬。麤至寸餘。不能言語飲食。痰涎壅甚。宜用黃連消毒散。加去風化痰除涎之藥治之。如舌出齒外者不治。

重舌症

此症發在舌底下。重生一舌。本舌強硬。生來之舌亦硬。如生得過長大者。本舌捲入。便飲食不能進。此是心經發來熱毒。治宜用黃連消毒散。酌加解毒涼血之藥治之。

痺舌症

此症生於舌之上下。緩緩發來。其舌龕硬如石。結核成膿者可治。如不結核。口舌日見短小。至二三年後。舌忽失去。則雖有靈丹。不能治矣。此是內傷心經之症。如所爛之點黑色者亦不治。

同舌症

此症發在舌上。腫大強硬。其舌尾捲入。不能言語。飲食亦不下咽。此是心經發來之毒。治法用犀角地黃湯。加清心去痰解毒之藥服之。

舌癰症

此症發在舌根舌底。結核甚痛。是乃陽症。定要出膿後七日方愈。此由心經發來之症。治宜清心升提解毒清涼之藥。

驢嘴症

此症發在上口脣。對住人中。先紅後黑。滿身潮熱。其症發之甚速。此乃脾經發來之風熱毒。當用甘桔湯加白芍。並驅風解肝瀉脾之藥治之。外以烏鰐魚牙燉黑存性爲末。加冰片、青黛、蜜糖調塗之。或用茶油調搽亦可。

魚口症

此症發在口脣。形如魚口。氣出不臭。痰涎不收。是乃脾經發來熱毒。上脣屬脾。下脣屬胃。治宜石膏、白芍爲主。佐以清脾瀉胃之藥。外用冰硼散塗之即愈。

喉癰症

此症發在喉內。或左或右。單起一片。耳底痛甚。七日成膿。是乃陽症。治宜左平肝。右清肺。加以升提之藥治之。

喉疔症

此症發於半頸喉內之中。結核成膿。不能針刺。聽其膿自出。但患是症者。潮熱必甚。治宜用甘桔湯加升提去風之藥。

喉箭症

此症發在肺中左右。有白路黃路。頭大尾細。直落喉下。是乃險症。最要謹慎。治法宜用甘桔湯加升提之藥。如毒已下肚。氣響聲嘶者不治。

喉痺症

此症生於喉中內隔。發之甚速。氣急而促。飲食莫下。茶入口中。由鼻內出。治宜升提消風解毒之藥治之。

剪喉症

此症發在喉管內。左右有核。飲食莫進。如面暗神慘頸腫。氣響無痰。目不轉眼者。不治。

肥豬症

此症發於兩牙關。外面腫大。內面腫。色淡紅。不結核。治法內用玉龍散擦。外用石灰調醋敷之即效。或用虎骨磨醋塗之亦愈。

鵝口症

此係胎內受毒發來之症。小兒二三五歲之內常有患者。是症發在口角口脣。舌

尾舌底下。舌面上俱有白黃點。兩牙關亦有點子。高處起核。可用針刺核出血後。隨以銀花、甘草泡水洗之。或用五倍子煎洗亦可。又方以前藥加礪砂、明礬共研細末常擦之愈。此症雖一二月猶可治。

胎毒症

此症三五月及月內小兒。皆有發者。其症發來滿口白膜。涎盛不收。乍寒乍熱。面色如黃紙。滿身起紅黃爛點。如肌膚脫落則不治。是乃胎毒。皆緣胎前不知謹節所致。或未滿百日而服酸鹹之味。並迭慾無狀。喜怒不常。皆能令子受惠是症。壯者宜解毒瀉胃火。內以冰硼散吹之。並用五倍子煎水京青布蘸洗口內。

鎖子症

此症小兒百日內。以及二三歲皆有發者。發時滿口白膜黃膜。涎盛面黃。牙肉有白點。要針刺放出黃水。黃水出散其毒。方治以甘桔湯等藥。並用冰硼散吹之。如

舌尾下對中縫有白點黃點驟起。而身壯者易治。若久發起有黑紅。并脫肌膚。潮熱不退。氣響聲啞者不治。

論症治法

以上四十六症。須細心辨認。當清則清。當補則補。當提則提。當瀉則瀉。有風去風。有潮熱去潮熱。有涎除涎。有痰化痰。有膜去膜。關閉關開。其有白膜黃膜。紅爛點子。而氣不響。聲不啞。音不嘶。語不亂。喉不乾。肚不痛。口不禁。言不狂。眼不紅。氣不躁。目不直視。神不暗慘。大小便順利。口臭無血。胸不緊。色不熟黑。針刺有血者。人雖傾危。毒未攻臟。藥尙能解。以上壞症。如患者兼有一二樣。切勿妄治。若主家再三哀懇。却情不過。亦須言明此是不治之症。今順情下藥。功過皆在所弗受。方可免怨也。

辨陽喉症訣

夫陽喉者。陽氣發顯於外也。其色紅。其氣滾熱。其舌強硬。其胸緊氣急。大便堅硬。小便澀數。其面必紅。其內外紅腫之處必大熱。其口氣必滾熱而臭。其眼內必紅。其喉鏡內必起紅絲線經絡。其口脣必紅而麤厚。其陽分發熱潮熱必甚。其痰涎壅甚。其言語雄壯。其聲怒。則其症實乃陽喉也。可用清心平肝瀉脾寒涼之藥治之。

辨陰喉症訣

夫陰喉者。陰氣伏藏於內也。其色青白黃。其氣溫涼。其舌軟必捲縮。其胸寬。其大小便自通利。其面色青黃。其內外腫處青。亦復溫涼本色。其眼黃。其喉鏡內色淡。其舌色白黃。其陰分潮熱。或微寒微熱。其痰涎少。其聲溫和。其症則虛。是乃陰喉也。不可太用寒涼之藥。宜重用元參瀉虛火爲主。

看喉中辨臟色訣

五臟者。心肝脾肺腎也。各載五形。各形五色。五行者。金、木、水、火、土也。五色者。紅、青、黃、白、黑也。相生者其病輕。相尅者其病重。假如其色紅。則屬心。其色青。則屬肝。其色黃。則屬脾。其色白。則屬肺。其色黑。則屬腎。此乃五臟中形見於五色也。開其口一觀喉中形色。卽知其由何臟中發來。相生者易治。相尅者難醫。此是傳授真口訣。切勿視爲等閑語。

辨毒攻臟訣

毒攻心必狂言亂語。毒攻肝其眼怒直視。毒攻肺其聲嘶而咳嗽氣響。毒攻腎其聲沉緩而啞。毒攻脾頸上浮腫必結核。此乃餘毒發來。外用冲和散敷之則散。不散則熟用針刺出膿血卽愈。以上係毒攻臟腑之症。諺云。毒攻臟腑爲死症。古人不治。命由天。

認死症歌訣

凡喉症無痰者不治。痰響如雷者危。氣聲如掩鋸者死。聲啞者不治。色如腥熟者死。面黑神慘者死。口噤者危。齒脚肉包過牙者死。怒目直視者死。肚痛者死。鼻內出血不止者死。大便泄出黑色者死。潮熱不退者危。口動言語亂者死。喉內生肉笋針刺不痛者死。膿血不腥不臭者死。氣出無收者死。手不能提足不能步者死。滿喉盡膜者不治。氣臭者死。肺中子白膜遮盡者死。牙齒脫者不治。失舌者死。痰火升喉痛者不治。癰癧火升喉痛者不治。以上皆死症。百中可救一二而已。

治咽喉辨論

夫咽喉之症。皆由五臟六腑發來。臟腑生病。其形色見於咽喉。肺中以外者謂之咽。肺中以外者謂之喉。咽喉形色各有陰陽。虛實之毒。卒然發起。牙關緊急。痰涎壅盛。氣出不收。朝發夕死。是乃急症。醫者不明。往往謂此為痰熱。孰不知有陰陽虛實之分。外症為陽。內症為陰。虛則溫之。實則瀉之。有熱去熱。有風去風。有毒解

毒。有膜去膜。有痰化痰。有涎去涎。關閉用開關藥。至內面紅黃白爛點。可用藥散吹之。外面紅腫結核。則用藥散敷。結核成膿用針刺。審症用藥勿慌忙。此真口訣也。

論喉症治法

- 一、火症喉痺。悉宜以抽薪飲主之。
- 一、火不勝者。宜徙薪飲主之。
- 一、凡膽肝之火盛者。宜以芍藥、梔子、草龍膽爲主。
- 一、陽明胃火盛者。宜以生石膏爲主。大便閉結不通。宜加大黃、芒硝之屬通其便。而火自降。

一、凡火浮於上。而熱結於頭面咽喉者。最宜清降。切不可誤用升陽散風等劑。蓋此火由中發來。得升愈熾。經曰。高者抑之。正此之謂也。非火鬱宜發及升陽散

火之義。學者於此最要體察。勿謂誤認其面目爲囁。

一、凡外治火症腫痛之法。宜以木鱉子磨醋。用鵝毛蘸擦喉中。引去其痰。或另少和清水。免致太酸。時時呬嗽喉中。不可嚥下。引吐其痰爲更喜。嗽後以代匙散吹之。仍內服湯藥。自無不愈。

一、凡火壅於上。而食物之治。最宜梨漿。萊豆湯之屬爲妙。若南方少梨之處。或以好蘿蔔搗汁。和以泉水。少加元明粉攪勻。徐徐飲之。既可消痰。亦可清火。

一、凡單雙乳鵝。若毒未甚。膿未成者。治之自可消散。若勢甚而危。必須砭出其血。庶可速退。此因其急。亦不得已而用之也。又古法治喉痺。用三針刺少商穴。血出卽愈。

一、陰虛喉痺。其症亦內熱口渴喉乾。或脣紅頰赤。痰涎壅盛。然必六脈無神。或六脈雖數。浮軟無力。但察其過於酒色。或素稟陰氣不足。多倦少力者。是皆腎陰

衝損。水不制火而然。火甚者滋陰八味煎。加減一陰煎之類主之。火微而不喜冷物及大便不硬。小便不熱者。宜六味地黃湯。一陰煎之類主之。若思慮焦勞。兼動心火者。宜用二陰煎主之。

一、格陽喉痺。由火不歸元。則無根之火寓於咽喉而然。其症在上熱下寒。全非火症。凡辨此者。但診其六脈微弱。全無滑大之意。則下體全無火症。而腹不喜冷。即是症也。蓋此症必因色慾傷精所致。或泄瀉傷腎。或本無實火。而過服寒涼。以傷陽氣者。皆能患此症。速宜用鎮陰煎治之。爲上。八味地黃湯次之。或用蜜附子含嚥亦可。若再用寒涼之劑。多致不救。

一、陽虛喉痺。非喉痺因於陽虛也。乃陽虛因於喉痺也。蓋有因喉痺過於用攻擊之劑。致傷胃氣者。有飲食難下。倉廩空虛而傷胃氣者。又有氣體素弱。不耐勞倦。而傷胃氣者。大凡中氣內虛。疼痛外逼。多致元陽飛越。脈浮而散。或弱而澀。

以致聲如鼾睡。痰如拽鋸者。此胃肺垂絕之候。速宜挽回元氣。以人參一味濃煎。放心徐徐嚥下。如痰多者。或加竹瀝薑汁亦可。如遲多致不救。若作實火治之。則禍不旋踵矣。

一、格陽喉痺。但見其頭面浮火。喉頭粗極。氣急聲啞。咽腫口瘡。痛楚之甚。察其脈。細甚而數。問其言。則聲微似不能振者。詢其所服之藥。無非黃連、梔、柏之屬。此蓋以傷陽而起。復爲寒涼所逼。以致寒盛於下。而格陽於上。卽茶水之類。亦俱難入口。而尤畏煩熱。余曰。危哉。再遲日子。必不能救矣。遂以鎮陰煎泡好。以冷水座冷。徐徐使嚥之。甫服一劑。須早而頭頂腫痛盡消。遂繼用五福飲之類。數劑而愈。疑者始皆駭服矣。

一、喉痺痛。大概痰火所致。急者宜吐痰。後復下之。上下分消而愈。又甚者。以針刺去血。然後用藥吐下。此爲治之上策。若人畏懼。而委曲旁求。瞬息喪命。蓋治喉

痺之法與救火同。不容少待。內經曰。發之。發之者。發散也。吐中有發散之義。出血者。亦發散之端也。治斯痲者。毋執緩方小方而治之。如曰吾藥乃王道不動臟腑。若遇疾之輕者可獲愈。疾之重者。因循死矣。豈非誤殺耶。

一、喉癰症。凡陰虛勞損之人。多有此病。其症滿喉生瘡。紅腫疼痛。久不能愈。此實水虧虛火症也。宜用前陰虛喉痺之法治之。若多咳嗽肺熱。宜以四陰煎之類治之。若滿喉生瘡破爛而痛者。宜用牛黃益金散吹敷之。仍內服滋補真陰之劑。自可痊愈。

一、瘟毒喉痺。乃天行瘟疫之氣。其症則咽喉項腫。甚有頭面頸項俱腫者。北方尤多此病。俗呼爲蕃瘟。又名鷓鴣瘟。亦名大頭瘟。此濕熱壅盛最凶之候。宜清諸經之火。或瀉陽明之熱。當察緩急而治之。東垣有普濟消毒飲。專治瘟毒喉痺。百發百中。

一、伏氣之症。古方謂之腎傷寒。謂非時有暴寒中人。毒氣伏於少陰腎經。始初不病。旬月乃發。脈微弱。法當以傷寒治之。非喉痺之病也。次非下利不可。按此症亦所常有。是必以少陰少陽之火。令太陽之寒。令太陰之濕。復兼令風寒之邪者。皆有此症。故治此者。不必治喉痺。但治外邪。其喉自愈。卽如新方之柴胡飲及散陣諸方。皆可隨宜酌用。

一、楊梅結毒。有喉間潰爛作痛久不愈者。此非喉痺之屬。乃楊梅瘡毒也。宜用仙遺糧湯。甚者宜以土茯苓煎湯。吞五寶丹治之。

一、虛損喉痺。未易辨也。若一人因患虛損。更兼喉癰腫痛。多醫罔效。余診其脈。則數而無力。察其症則大便溏泄。問其治則皆退熱清火之劑。然愈清火而咽愈痛。余察之。既確知其本非實火。而且日前多用寒涼。以致肚痛不實。總亦格陽之類也。遂專用理陰煎及大補元氣煎治之而愈。

一、鎖喉風症。時人以咽喉腫痛。飲食難入。或痰氣壅塞不通。甚奇甚急者。皆稱爲鎖喉風。而不知有真正鎖喉風。其甚奇甚急之處。而實人所未知也。余在襄陽嘗見一女子。年已及笄。忽一日在於仲秋時。無病而喉竅澀愈甚。及延余診視。按其脈。無火也。問其喉。無腫無痛也。觀其貌。則面青目瞠不能語也。聽其聲。則喉竅若細如針。抽息之窘如線。伸頭掙命求救之狀。甚可憐也。予見而疑之。不得其解。然意謂風邪閉窒喉竅。非用辛溫不能解散。遂用二陳湯加生薑煎而與之服。毫忽無效。意復用獨參湯以救其肺。然見勢危若此。恐滋怨謗。終亦未敢下手。他醫見之。亦但束手而已。如此者。一日夜而歿。後又一人。亦患此症而歿。若此二人者。余及今莫識其所以病。此畢生之疑竇。殊自愧也。然意必肺氣竭絕之故。倘值此者。恐非獨參湯決不能救。故特書此。以俟後之君子詳酌焉。

一、諸物餒於喉中。或刺或骨。必有鋒芒之逆。所以刺礙而不下。凡下而逆者。後而

上之則順矣。故治此者。當借飲食之勢。湧而吐之。使之上出。則如拔刺之捷也。若芒刺既深。必難推下。非惟理勢不順。必致遲延。或飲食既消。無可推還。以致漸腫。則爲害非細矣。凡諸骨鯁。或以錫糖一大塊。滿口吞而嚥之。或用韭菜炙熟。不可切斷。作一小束吞之。芒刺卽裹而下。亦妙。

一、小兒口中誤吞鐵釘痛甚。余以磁石七錢。朴硝二錢。熟豬油二兩。加蜜糖調和藥末與之食。次日其鐵隨糞出。是誠可謂良方矣。

論分經治喉症藥性

一、瀉心火用黃連。瀉肺火用黃芩。脾火須用芍藥。胃火定宜石膏。柴胡瀉平肝火。知母瀉平腎火。木通瀉平小腸之火。黃柏瀉膀胱火。大黃瀉大腸火。屈抑之火。生梔爲君。浮遊之火。元參爲妙。

一、上焦有熱。黃芩、赤芍。中焦有熱。黃連、梔子。下焦有熱。黃柏、知母。

一、上焦有寒。麻黃、桂枝。中焦有寒。肉桂、乾薑。下焦有寒。附子、沉香。

一、梔子、黃連、麥冬、犀角。俱清心。黃芩、桑皮、羚羊。俱清肺。柴胡、白芍、膽草、青黛。俱平肝。知母、黃柏瀉腎火。白芍、石膏、黑梔、甘草。俱瀉脾火。連翹、牛蒡能解毒。黃芩、花粉能解痰涎。防風、荊芥、薄荷、秦艽、羌活。俱祛風除濕。退潮熱。化痰。口苦用膽草。口渴葛根。提毒用升麻。去膜用蟬退。涼血須生地。血中伏火丹皮、澤瀉。去口臭人中黃。痰盛牛黃。開關殭蠶、全蝎。載藥上浮。能達氣而下行者惟桔梗。止熱嗽黃芩、桑皮。止風咳。麻黃、杏仁。止痰嗽。貝母、連翹。止虛咳。阿膠、白醋。能解咽喉諸毒。射干、豆根。能和諸藥。解百毒。甘草。排膿。白芷、南星。發散。荆皮、獨活。打穿出膿。則穿山甲。

治喉用藥變化歌訣

治喉甘桔是神方。細心體察辨陰陽。柴胡、芍藥平肝木。不論心肺也備嘗。黃芩同

用桑皮是。加用花粉效非常。防風、荊芥能逐風。去膜蟬退用之良。喬夢解毒痰俱化。驅風提毒升麻當。生地等件須無膜。豆根少許最爲良。連、梔、犀角有時用。實熱無膜可主張。六味品中除棗肉。審症用藥莫慌忙。連、射、丹、梔雖難缺。孕婦遇之要謹防。此歌訣須讀至爛熟爲要。

抽薪飲 治諸火熾盛而不宜補者。

黃芩

石斛

木通

梔子炒

黃

柏各三錢

枳

殼半錢

生

甘二錢

熱在肌膚經絡。加連翹、花粉。熱在血分大小腸。加槐花、黃連。熱在陽明。頭面燥煩便實者。加石膏。熱在下焦。小水痛澀。加草龍膽、車前。熱在陰分。津液不足。加

麥門冬、生地、芍藥。

徙薪飲 治三焦火症。大凡一切內熱漸覺而未甚者。先以此劑服之。如火甚者。

宜用抽薪飲。

陳皮 分 黃芩 二錢 白芍 茯苓

丹皮 黃柏 各半錢

滋陰八味湯 治陰虛火盛。下焦濕熱等症。

淮山藥 四錢 丹皮 三錢 白雲苓 三錢 萊菔 四錢

澤瀉 三錢 黃柏 三錢鹽水炒 熟地 八錢 知母 三錢鹽水炒

一陰煎 治水虧火盛之劑。

生地 二錢 熟地 二錢 芍藥 二錢 麥冬 二錢

牛膝 錢半 丹參 二錢 甘草 二錢

火盛躁煩。加龜板。氣虛。加人參。心虛不眠多汗。加棗仁。當歸。汗多煩躁。加五味子。茱萸。微有火者。加女貞子。虛火上浮。吐血衄血不止者。加澤瀉。茜根。或加川

續斷澀之亦可。

加減一陰煎 治症如前。但火盛者宜用此方。

生地

白芍

麥冬各二錢

熟地三錢

地骨皮一錢

炙草五分

知母一錢

煩燥便結加石膏。小水熱澀加梔子。火浮於上加黃芩。澤瀉。血燥血少加當歸。

二陰煎 治心經有熱。水不制火之病。

生地二錢

麥冬二錢

棗仁一錢

元參錢半

川連三錢

茯苓錢半

木通錢半

生甘一錢

鎖陰煎 治陰虛於下。格陽於上。真陽失守之病。

熟地二兩

牛膝二錢

澤瀉錢半

清花桂二錢

附子五分或三分炙草一錢

如嘔惡。加乾薑一二錢。氣脫倦言而脈微弱者。加人參。

四陰煎 治保肺清肝。有陰虛勞損。相火熾盛等症。

生地錢二 麥冬二錢 白芍二錢 茯苓錢半

百合二錢 生甘草一錢 沙參二錢

理陰煎

熟地三五七錢或一二兩當 歸五七錢或 乾薑一錢 炙甘草一錢

或加用上好肉桂亦可。

大補元煎

黨參錢一二 熟地錢二三 淮山錢二 杜仲二錢

當歸錢二三 枸杞錢二三 炙甘草一錢 萊菔一錢

如元陽不足多寒者。將本方加以附子、炮薑片、肉桂。氣虛加黃耆、白朮。血滯去

萊黃、加川芎、滑泄。加故紙、五味子。

普濟消毒散 治疫厲惡寒壯熱。頭面腫盛。目不能開。氣上喘促。咽喉不利。口舌乾燥等症。東垣曾以此方治大頭病。獲愈者以萬計。

黃 芩五錢

黃 連五錢

人 參三錢

橘 紅二錢

元 參二錢

桔 梗二錢

柴 胡二錢

薄 荷一錢

連 翹錢半

牛 蒡錢半

豆 根一錢

馬屎勃一錢

白殭蠶一錢炒

升 麻一錢

生 甘二錢

以上各藥共為細末。半用白湯時時調服。半用蜜丸噙化。服盡即愈。或加防風、川芎、當歸、薄荷、細辛。水二鍾。煎一鍾服。可令熱速消。或熱極腫甚。先用刺出其血亦效。一方無人參。

十二味玄翹飲 治白喉初起絕妙方。

煎水服。

治喉內無論兩傍上下。生有白膜是乃白喉。玉臍中如有白膜即難治矣。務要

急宜調治。使毒不得攻於內臟。或有回生之望。初用

元參三錢

連翹錢半

山豆根錢半

銀花錢半

桔梗錢半

銀柴胡一錢

牛蒡錢半

蟬退一錢去頭足

升麻一錢

花粉錢半

馬蹄香即沉香半

生甘一錢

沙參三錢

麥冬錢半去心

赤芍錢半

連翹錢半

牛蒡子錢半

銀花錢半

生甘一錢

桔梗二錢

蟬退去頭足一錢

柴胡一錢

山豆根錢半

葛根錢半

知母錢半

馬蹄香即沉香二錢

花粉錢半

煎水服。

治白喉潮熱漸除白膜漸減方

元參 三錢半

麥冬 錢半

白芍 錢半

釵斛 錢半

銀柴胡 一錢

女貞子 三錢

北沙參 三錢

桑白皮

連翹

牛蒡子

銀花 各錢半

桔梗 二錢

蟬退 去頭足

山豆根 錢半

馬蹄香 二錢

治白喉白翳將見紅影方

洋參 二錢

元參 三錢半

白芍 錢半

連翹 錢半

牛蒡子 錢半

銀花 錢半

桔梗 錢半

女貞子 二錢半

金釵斛 錢半

北沙參 三錢

馬蹄香 即沉香

如有咳嗽。加桑白皮錢半、杏仁去皮尖錢半。

治白喉元氣虧損將全愈方

洋參三錢

麥冬錢半

白芍錢半

女貞子二錢

白茯苓二錢

淮山二錢

北沙參三錢

元參三錢

桔梗錢半

治虛喉妙方

熟地三兩

洋參兩半

麥冬去心

元參兩半

白芍八錢

女貞子兩半

釵石斛八錢

茯苓六錢

兔絲餅一兩

淮牛七七錢

如腎陰虧極者。加枸杞一兩、北五味三錢半。脾陰不足者。加淮山藥一兩。以上各藥共為細末。煉蜜為丸。如梧子大。每服四五錢。白滾湯下。治陰虛於下。火浮於上。腹不受冷物。頭暈腰痛。手足俱冷等症。

熟地六錢

淮山二錢

茯苓一錢

麥冬二錢

淮牛七二錢

北五味五分

清花玉桂

去皮六分另
水沖服

白芍二錢

高麗參

二錢另
水沖服

又方 治腎陰虧損。火不歸元。氣浮越於上方。

熟地六錢

潛朮二錢

麥冬半二錢

牛七二錢

北五味五分

附子六分

高麗參

二錢另
水沖服

治陰火方

桔梗三錢

元參三錢

梔子仁一錢

連翹錢半

牛蒡子錢半

生甘一錢

山豆根一錢

花粉錢半

初服一二劑。用防風一錢、荆芥一錢、薄荷五分。若左起。加柴胡一錢、白芍錢半。右加黃芩錢半、桑皮錢半。有膜加蟬退五分。口內色紅甚。加生地二錢、丹皮錢半。口脣紅焦。加石膏一錢。

治陰火驗方

生地三錢

元參三錢

麥冬錢半

知母錢半

澤瀉一錢

女貞子二錢

白芍錢半

連翹錢半

銀柴胡一錢

北沙參五錢

熟地五錢

一二服後。即除銀柴胡、北沙參。如有咳嗽。加桑白皮三錢、杏仁二錢去皮尖、丹皮一錢半。

滋陰降火湯 如無潮熱。方可用此方。

熟地五分

元參三錢

麥冬錢半

生芍藥錢半

丹皮錢半

澤瀉一錢

北沙參三錢

女貞三錢

金釵石斛錢半

天冬錢半

治喉內有腫。兼有時寒時熱不齊之症。

喉舌備要秘旨 喉部

生地四錢 連翹二錢 牛子錢半 銀花錢半

丹皮錢半 葛根二錢 沙參三錢 柴胡一錢

馬蹄香即沉香 山豆根錢半 花粉錢半 桔梗錢半

赤芍錢半 生甘草一錢

治實熱症方

牛子錢半 花粉二錢 犀角一錢 丹皮錢半

麥冬錢半 黃連錢半 生地三錢 連翹錢半

澤瀉一錢 生梔仁錢半 射干一錢 山豆根一錢

桔梗二錢 生甘一錢

左加柴胡。右加黃芩、桑皮。有潮熱加防風、荆芥、薄荷。熱退即除。初用提毒升麻一二劑。後即除。有膜加蟬退。膜退即除。開關殭蠶、全蝎。關開即除。至解毒藥多

服不妨。大凡喉症服清涼解毒藥。諸多轉手。用生熟六味。除莖肉。加解毒藥。不忌。凡看喉症。不可除痰。只可解毒。不可攻下。只可升提。不可補托。熟煉收斂之藥。初用發散不散。則當排膿。其治大略。不過如此矣。

凡患單鵝雙鵝。必有潮熱。當用此退熱涼血。消腫解毒方。

生地三錢 赤芍錢半 連翹錢半 牛蒡錢半

銀花錢半 山豆根錢半 花粉錢半 丹皮錢半

北沙參二錢 柴胡一錢 葛根錢半 桔梗錢半

馬蹄香二錢 即沉香 生甘草一錢

熱極者。加黃芩錢半。風甚者。加防風一錢二分。白芷一錢二分。或加薄荷七分。

治楊梅瘡冲喉方

生地半錢 元參三錢 麥冬錢半 白芍錢半

知母錢半 鹽 柏錢半 連翹錢半 牛蒡子錢半

銀花錢半 土茯苓三錢 丹皮錢半 澤瀉錢半

女貞子三錢 山豆根錢半

如有白膜。加蟬退七分。有潮熱。加北沙參二錢半。柴胡一錢。

治楊梅瘡冲喉藥丸方

生地二兩 熟地三兩 元參二兩 麥冬去心

白芍八錢 知母一兩 釵斛一兩 土茯苓二兩

連翹一兩 牛子一兩 銀花一兩 丹皮八錢

澤瀉八錢 女貞子半兩 沙參二兩 山豆根六錢

生甘六錢

以上諸藥。純用日晒乾。共研極細。煉蜜為丸。每早晚空心服四五錢。淡開水下。

治楊梅瘡較前症尤重方

生地三錢 元參三錢 麥冬錢半 白芍二錢

梔子錢半 丹皮錢半 澤瀉二分 連翹錢半

牛子錢半 北沙參二錢 銀柴胡一錢 女貞子三錢

馬蹄香二錢即沉香 知母錢半

如無潮熱即除去北沙參、銀柴胡。加大熟地五錢、洋參錢半。若不用洋參加北沙參三錢亦可。

治小兒陰虛喉有潮熱兼有些牙血出方

生地七錢 元參錢半 麥冬七分 白芍藥七分

女貞子錢半 鹽水蒸 連翹七分 沙參錢半 骨碎補七分

銀柴胡七分 丹皮七分 澤瀉五分 馬蹄香一錢

如用洋參一錢。即除北沙參。

治三十六種喉散奇方

山豆根 錢半

粉甘草 錢半

川連 錢半

薄荷 錢半

寒水石 飛二錢

兒茶 錢半

人中白 二錢

白僵蠶 飛二錢

白蓮花 三錢

白礬沙 飛二錢

青黛 飛二錢

大梅片 錢半

川麝香 二分

珍珠 飛一錢

共研極細。末如塵。罐貯勿泄氣。聽用。

治喉症奇驗方

老絲瓜仁不拘多少。晒乾研作如塵細末。每一兩加大梅片柒分。研細末。乳和勻。罐收勿泄氣。如有喉症。以分許吹之。至多三次即愈。

治陽喉散方

白礬砂三錢

硃砂飛二錢

雄黃精飛一錢

川連半二錢

黃柏二錢

粉甘草錢半

薄荷二錢

兒茶錢半

飛青黛四錢

枯礬錢半

犀角錢半

雞內金一錢

大梅片一錢

白蓮花五錢

口鼻加人中白一錢。口黑加熊膽一錢。痰盛加牛黃五分、珍珠五分、琥珀五分。共研至無聲如塵為度。瓶貯勿泄氣聽用。

治火症痘疔牙疳喉間潰爛金不換散

人中白五錢

細柏末三錢

青黛六錢

玄明粉三錢

白礬砂三錢

冰片三分

西瓜霜法在後

右為極細末。罐貯勿泄氣聽用。若爛處有深洞者。加龍骨、象皮、赤石脂各三錢。同研吹之。痘疔加川連、胡連、甘草、人中黃、銀粉霜即西瓜霜。每金不換散壹錢。

每樣各加伍分。共研末如塵。合搽之。喉癬喉疳。每金不換散壹錢。加粉霜三分。
治痰痺方

滑石一錢

石膏一錢

薄荷五分

膽礬五分

粉甘草三分

炒僵蠶五分

大梅片五分

皂角五分

牛黃五分

共研極細末。罐貯聽用。

應驗鵝喉方

平日遇有西瓜蜂。仰鵝捉取不拘多少。以酸梅汁浸之。若生鵝喉則撬開牙關。取蜂用口含之。使口水漸漸咽下便愈。

青梅丸

大南星十二

半夏二兩

白礬一兩

甘草兩半

桔 梗兩半
陳 皮五錢
朴 硝二兩
青梅子一百
生 鹽四兩

先將朴硝研末。醃梅兩日等。梅汁出後。方將前藥末摻勻。晒乾。以磁瓶收貯。遇有鵝喉及牙痛喉痛。取梅一個。含之立消。

治陰白喉症散

人中白二錢
兒 茶一錢
黃 柏六分
青 黛六分
薄 荷六分
硼 砂六分
蟬 退七個
大梅片五分

共研極細末如塵。瓶收勿泄氣聽用。

治鵝喉口內含藥方

荆 皮二錢
花 粉錢半
白 芷一錢
山豆根錢半
七里香二錢
馬蹄香即沉香
三錢

用滾水二碗泡。燉濃。另倒開半杯。和白酒少許。不拘時含。至滿口痰涎即吐出。
洗口散

五倍子二錢

礪砂錢半

白礬一錢

共研細末。每用數分。以白開水泡出味。軟綢蘸洗。如有出牙血不止者。用此湯含口中。其血即止。

三黃散 治陽症用。

大黃一兩

黃柏五錢

生甘五錢

羌活三錢

陳皮二錢

梔子三錢

地骨皮二錢

青黛二錢

共研末。調白酒外敷患處。

洪寶丹 治陽症用。

花粉三錢

赤芍二錢

薑黃一兩

白芷一兩

共爲末。或用黃酒或白酒。或清茶調勻。多熱敷之。

陽毒散

生南星三錢

蒼朮錢半

薑黃二錢

川貝二錢

白芷二錢

大黃四錢

雄精三錢

黃柏二錢

生甘二錢

防己二錢

花粉三錢

赤小豆二錢

豆根二錢

毛茛姑二錢去淨毛

共研末。調蜜糖。清茶敷患處。

治陽喉毒紅腫方

荊芥一兩

花粉八錢

白芷六錢

大黃六錢

七里香七錢

芙蓉花八錢

共研末。調白酒在核處搽之。略乾。又搽十餘次。即愈。

冲和散 治陰症用。

荆皮一兩

獨活五錢

赤芍五錢

白芷三錢

南星錢半

半夏錢半

南木香二錢

菖蒲二錢

共研細末。調白酒敷。

黃龍散 治陰症用。

草烏二兩

薑黃二兩

南星一兩

赤芍一兩

肉桂五錢去皮

共為末。調黃酒敷患處。

治陰毒青腫皮膚不燒熱方

生川烏六錢

生草烏六錢

生南星五錢

生半夏五錢

生梔仁七錢

芙蓉花一兩

七里香七錢

細辛五錢

白芷六錢

紅蓮花八錢

菖蒲五錢

生香附五錢

共研末。在核處搽。

兩宜散 半陰半陽冷熱不明者。用此治之。

荆芥

獨活

赤芍

白芷

菖蒲各等分

共爲末。用黃酒調敷患處。若瘡面上有血疱。不可用菖蒲。恐破瘡皮。宜先用四味敷之。後用菖蒲末敷於面上。覆過四圍。而以薄紙隔截之。凡敷末藥。須溫熱。方能令藥氣透入。若乾。再換濕者敷之。如四圍黑暈不退。瘡口俱無色者。其人必服涼藥太過。不可驟用黃龍散。因其膚肉未死。恐黃龍散藥力過峻。數上更加苦痛。可於本方內加肉桂、當歸。以換起死血。血一浮面。卽除去二味。只用本方治之。若痛不止。可取酒泡乳香、沒藥。以瓦器盛放火上。俟溶化。乘熱傾入藥

內調勻塗之。痛立止。若瘡口有突肉筋起。宜以本方加南星。用薑汁和酒調塗。卽落。此因胃著風故也。或有近熱之症。可合洪寶丹。以葱汁、清茶同調敷。若遇陰寒之症。可合黃龍散調好酒敷之。

製西瓜硝

覓上號頭藤西瓜。或一個或二個。用稻柴墊好。放在乾燥廚內。立冬日將瓜挖去腹中穰。取去七分。皮上肉剩三分。每瓜用皮硝二斤或半斤。看瓜之大小酌用。蓋好用線絡住。懸向背陰屋簷下。至冷凍之期。其硝自盡出瓜外。顏色如霜。用刷箒輕輕拂下。以盤盛之包好。至三五日一取。至春間將瓜內所剩之硝安好。候到立冬。將新鮮瓜盛之。再加硝半斤。或一斤。仍舊懸好。俟皮外飛出取之。如此二次。中間之硝亦不必再飛。可治喉癰喉疔諸火症。潰爛者吹之不痛。外皮飛出者名銀粉雪。其功可並紫雪。

鎖喉症吹之立效方

鏡面硃砂飛一分

正廉珠飛一分

珊瑚飛一分

雄精飛二分

青黛二分

硼砂二分

人中白三分

木樨子煨黑一分

大梅片一分

共研細末。罐貯聽用。

經驗鵝喉奇方

木樨壳存性五分

鼻涕蟲卅條存性

人中白五分

山豆根取淨皮一錢

黑竹蜂十六個存性

川連一錢

大梅片一分

白硼砂五分

生大黃一錢

青黛飛二分

肥豬存性三十隻

牛黃五分

明礬二分

麝香五釐

共研末。稱準分兩。再合研一二千下。罐貯封口。勿泄氣聽用。

鵝喉急救方

苦草錢一兩二分 醋一碗

共蒸出味。與病人吞噬一口。牙關緊閉亦立開。

治各種喉症效方

人中白飛過三分 青缸花飛過三分

明珍珠甘草豆腐羹過研飛五分

黑竹蜂十個鹽醃年久者佳用新瓦一片焙蘇研末

飛琥珀五分 飛珍珠五分

天竺黃一錢 正川連一錢 大梅片二分

共研細末。後入冰片。再研勻。罐貯勿泄氣聽用。

治白喉症奇方 此症喉中先紅後白。

鴨糞瓦上隔火焙枯研末。白粥調服立效。如發寒熱。切忌表藥。誤用殺人。

口部

治口舌生瘡

吳茱萸爲末。用醋搽脚心。過夜卽愈。敷貼更妙。

又方

生附子研末。或用吳萸熱醋調敷兩脚心。無論虛實火。極神妙。

又方

天門冬去心 麥冬去心 元參

等分爲末。煉蜜丸爲彈子大。每含一丸。雖數年不愈者亦斷根。以生薑蘸蜜水
揩洗。用薄荷自然汁同白蜜調敷。

口脣生瘡日久不愈

藍葉搗汁洗愈。若因氣鬱生瘡。用甑上倒汗水搽立效。並治小兒疳。或脣破
生瘡。瓦松生薑汁搗融。入鹽少許。敷之愈。

舌無故出血方

花炒末摻。又方。香薷煎水含嚥。又木賊四錢。煎水漱口即止。

舌長數寸方

冰片研末搽即收。又方。番木鱉四箇。刮毛黃連壹兩。同熬浸舌。

舌瞠硬大閉咽喉

皂礬五錢。瓦焙紅放地上。冷定研末摻之。若其牙關緊閉。用物撬開牙齒。搽藥。

又方。蒲黃一錢爲末摻。並治舌上出血。

治羊鬚瘡奇效方。羊鬚煨灰。加冰片少許。蘇油調搽即愈。

又方。泡濃茶一大碗。以患處浸茶內半枝香久即痊。

加味甘桔湯

甘草三錢

桔梗二錢

荆芥

牛蒡

炒貝母去心各一分 前胡一錢 薄荷五分

名加味甘桔湯。或者宜服加味甘桔湯

柴袍散治十八種喉風

青黛水飛 石青 雄黃各一分 膽礬三錢

人中白 硼砂 元明粉各五錢 黃連二錢

真冰片五分

共為細末。磁罐收貯。勿令洩氣。急時以二三分吹喉愈。

甘桔湯治風熱上攻咽喉疼痛及喉薄妨悶

苦梗一兩 甘草二兩炒

右每服二錢。水煎。此又一方也。

玉龍散

人中白 一錢 煨硼砂 一錢

竹 蜂四隻在竹內
黑色者是也

青 黛 五分 元明粉 一錢

川 連 一錢 山豆根 一錢

共為細末。取少許以銅管吹之。

金鑰匙治喉閉壅
喉風痰涎
壅塞或者水漿難

焰 硝 五錢兩 硼 砂 五錢 腦 子 一 字 僵 蠶 一 錢

雄 黃 二 錢

各另為末和勻。以竹管吹患處。痰涎即出。如痰雖出。咽喉仍不消。急針患處。去

惡血。

頰車開不能合

用皂角末吹其鼻。嚏出自合。

下頰落

含烏梅一個卽上。

舌蕈

生舌上出血不止卽不救

五倍子一錢炙研

烏

梅去核炙研一錢

銅

錄三分

共研細末。搽蕈上。小膏蓋住。日換一次。愈後乃止。

上疳瘡口中爛方

舊土牆上白螺獅殼。不拘多少。用水洗去泥沙。燒灰存性。香油調末搽之數次。卽愈。若牙關齮腫爛口閉者。用皂角末吹之卽開。

上疳方

上疳者喉疳牙疳口疳瘡等症也同用此方

輕粉一錢

硃

砂七釐半

冰

片二分

共研細末。吹入口內。無有不效。臨吹先用薄荷湯。或茶漱口。愈後用銀花二錢。土茯苓五錢。甘草一錢。服數次。

消瘰癧丸奇效方

元參蒸

牡

蠣微煨
醋淬

貝

母去心各
六兩

共為末。蜜丸每服三錢。開水下。日二服。已潰者九製首烏研末。蜜丸每服三錢。開水下。日二服。外以羊屎杏仁各五錢。燒研細末。猪骨髓調搽。

又方

用鴨油調半夏末敷之。

舌下腫痛即重舌
之類

蒲黃五錢

煎濃汁去渣。含口中數次極效。

舌下痰包

用無雜色的白馬糞。放新瓦上。焙乾研末。加頂上梅花冰片為末。敷上立愈。

小舌生紅泡子與喉症不同

蛇床子二兩。罐內燒烟。吸入喉中自消。

補斷舌法

凡人偶含刀在口斷舌已垂落而未斷者用雞蛋內白軟皮套住另以

天花粉三兩

赤芍二兩

薑黃

白芷

各一兩

為末。蜜調塗舌根。以白蜜調白蜡稀稠得宜。敷在鷄蛋皮上。口敷數次。三日舌自接住。去蛋皮。再用蜜蜡勤敷七日。如跌撲穿斷舌心。血出不止。以鵝翎蘸米泔頻刷斷處。其血即止。或用瘦猪肉片貼之。仍用蒲黃、杏仁、硼砂少許為末。蜜調成膏。噙化而安。

又方

活蟹壹個。炙乾為末。敷上即能生肌。

又方

活 蟹燒灰

乳 香

沒 藥各二

塗之即生肉。如咬去脣舌。用川烏、草烏為末。攤紙一條。以涼水調合貼之。即不覺痛。宜預製備急。

治舌下腫痛欲死。

皂 角二錢

瓦上焙紅研末。好醋調敷即愈。

又方

醋調百草霜。柴灶內的。敷舌上下數次效。加鹽。用井水調塗更佳。

重舌鵝喉

川 連

雄 黃各四

冰 片二分

共研末吹入。

喉風舌大如脰。不急救卽死。

冰片一分

火硝三分

青黛二分

膽礬二分

礶蠶五分

礶砂三分

共爲末吹之。

舌腫四方

皂角不拘多少。以新瓦火煨至紅色。放地候冷。研細。將病人用鐵鉗拘開牙齒。以藥末搽其舌上卽活。

又方 百草霜和酒塗舌下。

又方 用生蒲黃研末搽之。

又方 用鷄冠血塗舌上咽下卽消。

喉疔形似靴釘但差長耳先以小刀刺點隨用

紫袍散吹之。再服加味甘桔湯。加鮮菊花一兩。用根亦可。若不能刺。以冰硼散
箸頭蘸點六七次。再吹藥。服藥亦效。

舌忽縮入

銀針刺破舌尖。出盡惡血。以蠟燭油搽之即愈。

舌硬生衣

犀牛黃

硃砂各一分

玄精石二兩

共研細末。將舌尖刺出紫血。用此藥搽之即愈。

舌下重生小舌

舌根肉壅腫疊出。短小如舌者是。用黃柏和竹瀝泡一夜。取汁點之。

又方

巴豆半粒。飯四五粒。共搗爛爲餅。如黃豆大。貼在印堂中。待四圍起泡。去之即

愈。各項舌病皆效。

木舌

舌尖腫大。塞滿口中。直硬如木。不能轉動者是。用草薺子肉搗爛。以紙取油。將紙搓條。點火吹滅。以烟向舌熏之。即消。若舌下腫起。用銀針挑破出血。以鍋墨烟。以燒草者更佳。以麻油厚調敷之。脫去再敷。或用水調敷亦可。

又方 蒲黃研末。時敷舌上。其腫自消。

又方 殭蠶爲末。吹入。吐痰甚效。

舌忽腫大。腫硬。即時氣絕。名曰嬰舌。

用皂礬同上。舌腫四方並治。

舌上生菌

此惡症也。初起如豆。漸大如菌。疼痛紅爛。無皮。朝輕暮重。由心脾熱毒所致。

礬砂

人中白各五

瓦上青苔

瓦松

澹鷄糞各一錢

用傾銀罐子二個。將藥裝入封固。外用鹽泥封好。以炭火煨紅。待三炷香為度。候冷開罐取出。入頂上梅花冰片、麝香各一分。共研細末。臨用時先以磁針刺破血菌。用藥少許點之。再以蒲黃末蓋之。內服二陳湯。加黃連、黃芩、薄荷煎服。舌腫破爛

黃連

黃柏各五分

青黛水飛一錢

冰片一錢

焙乾為末。每用三分。吹之自愈。

重舌脹腫重舌木舌皆屬心火

用川連末一錢。燈草湯下。二服效。

又方 治重舌脹。用鐵鍋燒紅。打下鏽。研末。水調噙之。

牙部

牙癰

此症發在牙關、牙床、結核已成。或左或右。耳底有痛。接上下左右照經絡治之。有腫要外敷。切忌齒落。落則不治。

牙疔

此症起於牙脚下。生有黑點。是腎經發來之毒。宜先用黃連消毒散。後用磁陰降火等藥治之。外用硼砂、石膏、甘草共研細末。擦之即愈。

牙疳

此症起在牙床。名走馬牙疳。最忌齒落。落即不治。宜依上經絡治之。內擦以玉龍散。或冰硼散。

牙瀉即牙根流血。草決明煎水。含數次即愈。
又方 苦參、枯礬、各等分爲末。擦牙即效。

治牙痛不可忍 火硝、硼砂、冰片共爲末。擦患處卽愈。

治牙痛方 上好真清花肉桂切薄片。每用一分。嚼患處。立刻止痛。如桂不佳者。嚼之增痛。

玉帶膏

生真龍骨二兩

宮粉五錢

頂上大梅片五錢

香五錢

淨黃蟬二兩

真硼砂五錢

陳黃蠟

將上五味。研細末和勻聽用。先將黃蠟隔湯化溶。入前藥末攪勻。用棉紙將藥傾上。用竹刀刮勻。剪作一小指寬。一寸長。收貯磁瓶內。封固聽用。

治各種牙痛妙方

隔夜濃茶。每早起以之漱口。永無牙患。

金星追涎丹 治風火牙痛並治蟲方。

薄荷一兩 川椒五錢 細辛一兩 樟腦一兩

共研細末。放銅鍋內。上以磁碗一個蓋之。文武火煉取霜用。

苦瓜霜

火硝二錢 青黛五錢 檳榔衣一兩煨黑

共研末。先將大苦瓜一個。蒂旁切落一片。納藥於內。挂當風處。俟皮上起白霜。取貯聽用。

牙齒疼痛方

秋絲皮藤一兩 槐花三錢 薄荷五分 細辛八分

淨水煎濃汁。含嗽四五次效。

治牙痛奇妙極效方

好汾酒一小茶杯。入花椒一撮。用火點着。俟燒至一半。將火吹息。略候半刻。乘

火熱含於口內。立即吐出。其患立愈。

治牙出血方

生地三錢

元

參三錢

麥

冬五分

白

芍五分

女貞三錢

丹

皮五分

澤

瀉一錢

知

母五分

鹽柏五分

碎

補五分

連

翹五分

沙

參三錢

生甘一錢

如陰虛火旺出血。將方內沙參、黃柏二味除却。加熟地五錢、釵斛一錢五分、洋參二錢。服之立效。

治牙出血有頭痛潮熱方

生地五分

元

參三錢

麥

冬五分

山

藥五分

女貞子三錢

丹

皮錢半

澤

瀉一錢

知

母錢半

鹽 柏分半

北沙參 五分

銀柴胡 八分

連翹 錢半

碎 補錢半

石 膏二錢

牛 蒡錢半

生 甘一錢

共煎水服效。

蟲牙作痛 五焙子煎濃汁。哈嗽數次。其蟲立死。

治蟲牙方

生田雞去皮。含在患處。另以清水一大碗。放在桌上。良久俟口涎流出。吐在碗中。可於水內觀蟲。大小均見。如此數次。永無此患。

治齒長數寸

真白朮人乳拌蒸。服之愈。

治牙齒長出分餘 用生地黃含之最妙。

治走馬疳 此症口臭牙上爛流涎。唇下如羊鬚。

生大黃三錢

丁香十粒

萊豆一錢

共研末。熱醋敷兩足心最效。若兼以真珍珠吹之更妙。

治走馬疳

人中白二兩煨紅

兒茶一兩

黃柏六錢

南薄荷六錢

真青黛六錢

大梅片三錢

研末。先用溫湯嗽洗。吹藥患上數次。內服銀柴胡、煨蘆薈、胡黃連、川連、牛蒡子、炒元參、桔梗、山梔子、熟石膏、薄荷、羚羊角各五分。水二鍾煎服。

治牙疳妙方

鹹馬腎子。並水含後吐却。再服水一鍾即愈。

擦牙關兼去口中氣味

大黃五錢

甘杜

香附去毛酒製

白芷

生石膏錢各五

真川椒

菘 豆各四十粒

細 辛三錢

青菓核十八顆煨

淮 鹽入兩火煨 過絹篩用牙

灰三兩飛晒乾

共研細末。過絹篩。罐貯。每日清晨以之擦牙。不但永無齒疾。且可白如冠玉。

取齒妙方

活鯽魚一條。重拾兩。以白砒一錢入腹內。放無風無貓無犬處。七日魚身發白。

色。用雞翎拂毛。以少許膏藥收之。每遇病牙。取少取膏藥。貼齒片刻。牙即落下。

脫牙 白馬肉埋地內俟生蟲。取出煨灰。點牙即落。

牙痛奇方 蠟梅花熬水含之愈。

又方 檬果皮煲黑醋含之愈。

治各種牙痛經驗神方


寬筋藤八分切

連壳雞蛋一隻

又方
用山水兩大碗。煮數百滾。將蛋去壳。再煮至蛋極老。去蛋及藤服之。其痛立止。

用生小蛤一隻。剖開去皮。並頭足洗淨。遍蘸雄黃末。將蛤敷上患處。合口含住。俟覺腥悶難忍。然後將口涎吐出。其牙蟲隨涎出。再含再吐。以痛止蟲盡爲度。

少商穴圖式 左右皆同





刺少商穴法

穴在手大指內側。去爪甲如韭菜葉。刺入二分許。以手自臂勒至刺處。出血卽消。若重者。及膿成者。必須針患處。否則不治也。

附骨髀符咒

第一句開天門。第二句閉地戶。第三句留人門。第四句塞鬼道。第五句穿鬼心。第六句破鬼肚。吾奉太上老君急急如律令。



左手持杯。用香爐鼎手指盛杯。杯內載茶。用右手劍訣。面向東方。以畫第一畫。念開天門。第二畫念閉地戶。第三畫念留人門。第四畫念塞鬼道。第五畫念穿鬼心。第六畫念破鬼肚。吾奉太上老君急急如律令。

附治鴉片煙飲奇效方

服此方者。一面吸煙。一面服藥。至八日十日後。則可早可晏。可多可少。可吸可不吸。妙在不用劫藥。不用煙灰。其飲自化。應驗多多。爰序於左。

鴉片煙流毒內地。受害良多。其中亦有急思改悔者。又莫得其方。市肆中藥。於字義尙未辨明。何能奏效。縱有一二截止者。類皆劫劑。伐脾戕胃。貽害多端。譬諸作文。安有講書未明。而妄期佳構者乎。卽如字義。世俗稱癮者。乃皮裏肉外之紅點。何得指爲斯證。又稱引字。究屬何根。方爲引動。模糊圖治。奚克見功。不知所謂飲者。乃飲食之飲。卽醫書所論痰飲證也。夫濁者爲痰。清者爲飲。此理易知。治斯證者。總以滌飲化痰爲主。或問此證。何由而生。予曰。凡人酣吸多。則動脾家之溼。溼則生痰。蓋脾爲生痰之源。肺爲藏痰之器。故此證總在脾肺二經。或又問曰。旣係吸多生飲。何以吸之。又名曰過飲。予曰。煙乃通活之性。痰係周身上下無所不至。

一經土壅。則或淚流。或汗出。或背脹。或欠伸。或嘔吐。或心慌。皆痰之爲患。驟得煙以通活。則痰食頓開。而諸證悉平。斯謂之過飲。客爲首肯。不勝欣然焉。予曰。憫斯人之沈疴。亟思拯救。乃細揣各名家書。體會數年。始得其訣。故特創一方。藥品冲和。純乎王道。俾戒飲者自製。不著絲毫煙灰。自能奏效。十餘年來。獲益者不可枚舉。因刊以公諸同好。惟願普世共渡慈航。回頭是岸云。

廣橘紅白礬炒五兩

製半夏四兩五錢

川椒七錢

炙粉草三兩五錢

天南星五錢

訶子一兩

白芥子八錢

塊雲苓四兩

共研細末。薑水泛爲丸。桐子大。每日飯後一時之久。以白滾水吞下三錢。日二次。服至八天以後。自然見功。奇效無比。

同治二年癸亥仲秋月上浣 湖北黃岡屠燮臣製方付梓

右係桂林蔣小峰。於屠燮臣名道和輯刊醫學六種之普濟良方內。摘錄轉傳。

歷用經驗。南豐趙獻卿。吸烟已十八年。日需烟六錢。戊寅秋服是方。旬日痰少。烟滅。或偶多吸。卽行醉嘔。平昔每吸必二十口。乃過飲。服藥兩旬。每吸五口。卽得矣。遂接服戒卻。而痰盡面豐。飲食倍常。精神甚健。足徵是方之果有益也。因捐貲梓印。以廣其傳。願得之者。或堅信自服。或轉傳濟人。切勿疑怠。則功德無量矣。再者如服是方。雖可一面吸烟。然須心存力戒。不可恃服藥而任意多吸。乃有益也。

附急救服毒良方

一、凡誤吞洋烟。急取廣東之木棉花絮稱準四錢。用筆管夾之。燒灰存性。置茶碗中。再取食鹽稱準二錢。碾碎同置茶碗中。開白水沖之。攪勻灌下。一刻間大吐黑水而愈。在胃則吐。在腸則瀉。毒多或久。則連服二三次。吐瀉卽愈。

一、凡誤服鹵水輕粉。一切毒物。急取木棉花絮六錢。燒灰碾碎沖服。不用食鹽。一

吐而愈。

一、凡毒痢藥力不治者。亦取木棉花絮六八錢。燒灰。用山楂一二錢。紅糖一二錢。煎服卽愈。

以上諸法。傳自江西。已活人數千。屢試屢驗。近年京都有吞洋烟者。亦用此法。全活多人。其應如響。伏願

諸君子廣爲傳佈。則功德無量矣。

喉舌備要祕旨終

喉舌備要祕旨 附急救服毒良方